

中國第一歷史檔案館藏

清代起居注冊

康熙朝

中華書局

康熙二十七年六月至二十八年閏三月

清代起居注冊・康熙朝

第二四冊



中華書局

目 録

康熙二十七年六月		一一九三
康熙二十七年七月		一一九五
康熙二十七年八月		一一九一
康熙二十七年九月		一二〇七
康熙二十七年十月		一二〇六
康熙二十七年十一月		一二四一
康熙二十七年十二月		一二八三
康熙二十八年正月		一二二九
康熙二十八年二月		一二七一

康熙二十八年三月

.....

一三六

康熙二十八年閏三月

.....

一三四

康熙二十七年戊辰六月初一日壬寅辰時
上御瀛臺勤政殿聽部院各衙門官員面奏政事
是日

賜雲南臨元潯江總兵官王洪仁鞍馬一匹
本日

起居注官田喜霖達蘓喀

初二日癸卯辰時

上御乾清門聽部院各衙門官員面奏政事

本日

起居注官博濟蔡升元

初三日甲辰早

上出西直門駐蹕暢春園巳時

上御暢春園內澹寧居大學士伊桑阿學士凱音

布石文桂薩穆哈吳世巴以折本請

旨內閣等衙門題

大行太皇太后上尊諡時遣大臣一員行禮

天地

太廟

社稷

奉先殿亦遣大臣一員致祭其應行祭禮議如典例

上曰恭上

尊謚吉日朕親詣行禮其上

尊謚及祔

廟時應行典禮所關重大着九卿詹事科道等會同
詳議具奏又吏部題原任江南學道趙崙補授
福建興泉叅議道

上曰趙崙任江南學道時居官甚優前總督于成
龍亦心服其人照常考核未愜輿情其向在部

院衙門若何伊桑阿奏曰在部院衙門時頗優
衆亦共賢之

上曰趙崙着從優內陞

本日

起居注官庫勒納洪義斌

初四日乙巳

初五日丙午

初六日丁未早

上御暢春園內澹寧居大學士伊桑阿學士凱音
布石文桂薩木哈以折本請

旨戶部題黑龍江將軍薩布蘓等喂馬多用糧料
應令陸續賠補議准行

上曰薩布蘓等現在行間効力其應追賠糧料着
從寬免又刑部題侍衛常官保不嚴束家奴打

死百姓應降二級調用

上曰凡差遣人員朕必嚴加戒諭不許生事擾民
常官保既不能管束家奴以致濫斃人命回時
又不行奏明顯係縱僕妄行殊為可惡着嚴拿
兵刑二部會同一併審擬具奏

本日

起居注官庫勒納博濟

初七日戊申

初八日己酉巳時

上問

皇太后安

初九日庚戌早

上御暢春園內澹寧居大學士伊桑阿學士凱音

布石文桂薩木哈以折本請

旨吏部題國子監祭酒德伯色並非管理佐領之
人及回都統時却稱愛音布魯無嗣應罰俸
一年

上曰德伯色將此事虛誑乃夸詐人也爾等以為
何如大學士伊桑阿奏曰誠屬夸詐

上曰德伯色着以原品隨旗上朝又以所給振武
將軍瓦岱

勅諭及湖廣巡撫丁思孔

勅諭稿呈

覽

上親執筆將兩勅諭大為刪改畢大學士學士出

兵部堂官進前奏事時

諭曰前因登州遼海緊要將蔡元調補今襄陽較
登州更要着以蔡元補授襄陽總兵官此缺着

另行推補兵部堂官出河南巡撫閻興邦於是
月初十日赴任

陞辭奏請

諭旨

上問曰爾有所陳奏否閻興邦奏曰臣極微賤自
知縣屢次陞遷不意竟至今職臣到任時惟
當竭盡心力報

皇上高厚之恩於萬一臣在外任時聞河南與湖
廣接壤馬山固四山皆高峻向設守備防守
後將守備裁革今似應設立叅將遊擊防守
上曰聞河南火耗甚重閭閻興邦奏曰不特河南各
省皆然惟直隸一省所取尚輕

上曰為巡撫者止以和輯兵民為要爾到任時其
加意和輯之河南有荒地當募民開墾凡地方

應行事宜爾到任後酌量具奏閭興邦奏曰謹誌

皇上睿旨招民開墾是日

賜河南巡撫閭興邦韉鞍馬一匹

本日

起居注官庫勒納達蘇喀

初十日辛亥巳時